



## **Vischnanca Sumvitg: Procedura d'approvaziun dals plans per installaziuns a current ferm**

### **Exposiziun publica dals plans**

**Project nr. L-233604.1 Cabel da 24 kV tranter las staziuns da transfurmaziun 742  
Plaun Petschen e 734 Reits**  
– nova colliaziun da punct a punct  
– i vegnan installads ulteriurs bishens vids

A l'inspecturat federal d'installaziuns a current ferm è vegnida inoltrada la dumonda d'approvaziun dals plans ch'è menziunada qua survat.

#### **Dumonda da:**

Repower AG Surselva ; Via Santeri 74; 7130 Ilanz

#### **Exposiziun publica:**

Ils documents da dumonda vegnan exponids publicamain dals 10 da november 2023 fin ils 11 da december 2023 en la Administraziun communal Sumvitg, Via Quadras Su 107175 Sumvitg.

Prender invista pon ins mintgamai durant las uras d'avertura ordinaras u electronicamain sut :  
<https://esti-consultation.ch/pub/3132/6fd3537b>.

L'exposiziun publica chaschuna in scumond d'expropriaziun tenor ils artitgels 42 a 44 da la lescha federala d'expropriaziun (LExpr; CS 711).

#### **Protestas:**

Tgi ch'è partida tenor las prescripziuns da la LExpr, po far valair durant il termin d'exposiziun tut las dumondas tenor l'artitgel 33 LExpr. Quellas èn principalmain:

- a. protestas cunter l'expropriaziun;
- b. dumondas tenor ils artitgels 7–10 LExpr;
- c. dumonda d'ina prestaziun en natiralias (art. 18 LExpr);
- d. dumonda d'ina extensiun da l'expropriaziun (art. 12 LExpr);
- e. l'indemnisaziun d'expropriaziun dumandada.

Obligads d'annunziar pretensiuns entaifer il termin da protesta èn er ils locataris ed ils fittadins sco er ils possessurs dal dretg da servitut ed ils crediturs cun dretgs persunals prenotads. Ils dretgs da pegn e las chargias funsilas che garanteschon per in bain immobigliar che fa diever da la servitut funsila, na ston betg vegnir annunziads, ils dretgs da giudida mo, sch'i vegn pretendì ch'i resultia in donn pervia da la retratga da l'object da giudida.

Inspecturat federal d'installaziuns a current ferm  
Projects, Luppmenstrasse 1  
8320 Fehraltorf

Cuira, ils 10 da november 2023

#### **Uffizi d'energia e da traffic dal Grischun**

*Partiziun per la producziun ed il provediment d'energia*

## Uffeci civil Surselva

### Mortori

**Castelberg Jacinta**, naschida ils 21-05-1944, morta ils 29-10-2023, stada sesenta a Rabius.

### Naschientscha

**Degonda Amira**, naschida ils 02-11-2023 a Glion, affon da Heimo e Stefanie Degonda, sesents a Cumpadials.

Sumvitg, 10-11-2023

*Controlla da habitonts*

## Donaziun fundaziun Greina

Sebasond sin art. 5 dil reglament pertuccont diever dalla donaziun fundaziun svizra per la tgira dalla cuntrada ston damondas per ina contribuziun vid in project vegnir inoltradas alla cumissiun Greina entochen ils 30 da november 2023 digl onn precedent cul formular corrispondent tier l'administraziun communal.

Nus supplichein per notizia da quest avis.

Sumvitg, 10-11-2023

*Cumissiun Greina*

## Dis da viseta

Nus envidein cordialmein las famiglias dils affons als dis da viseta ellas casas da scola a Rabius ed a Trun.

Quels han liug **venderdis e sonda, ils 17 ed ils 18 da november 2023, e quei mintgamai igl avonmiezdi.**

Per evitar pli gronds disturbis supplichein nus las visetas da mintgamai entrar all'entschatta dalla lecziun e da sortir alla fin dalla lecziun. Plinavon supplichein nus Vus era da risguardar igl uorden e l'atmosfera d'instrucziun. Ils bus da scola curseschan sonda avonmiezdi sco in avonmiezdi ordinari. Nus selegrein da Vossa viseta.

*ConSORZI da scola Sumvitg-Trun*

## Acziun pacs da Nadal

Era uonn rimnein pacs da Nadal per personas basegnusas dall'Europa digl ost. Cun quella acziun savein nus purtar in grond sustegn e ventira el trest mintgadi. **Dar giu tochen ils 17-11-2023 Myriam Pelican, Via Plazzas 70, 7173 Surrein ni MENZLI SPORT Glion.**

Dapli infos sin tabla nera ni sut [www.weihnachtspäckli.ch](http://www.weihnachtspäckli.ch)

## Societad da tir Vial Sumvitg

Era uonn menein nus puspei atras nies tradiziunal lotto e quei la **dumengia, ils 12-11-2023** en sala da scola a Sumvitg. Entschata allas 14.00 la sala ei aviarta gia allas 13.00. Ei spetga sin Vus sco adina fetg bials premis.

Nus selegrein gia ussa sin vossa viseta cheu tier nus.

### **Uniuns da dunnas e Cussegl pastoral Sumvitg**

Caras senioras e cars seniors. nus envidein vus cordialmein da prender part al survetsch divin cun s. jeli ella baselgia da Surrein **gievia, ils 23 da november 2023** allas 10.30. Silsunter essas vus envidai dallas uniuns da dunnas tier ina sentupada en casa da scola. Vus astgeis guder leu ina gustusa suppa ed in bien dessert. Nezegei pia la caschun da saver dar ina paterlada e schar reviver enqual reminiscenza. Per simplificar l'organisaziun (era pertuccont taxi) essan nus ledas per voss'annunzia entochen sonda, ils 18 da november. Quella astgeis vus far per telefon ni via whatsapp encunter sera a Maya Deplazes, 079 566 62 17 / Daniela Wieland, 076 466 22 08, Gabriela Lutz 078 640 91 12. Nus selegrein sin vus e schein bugen a bien seveser! *Sur Saji e las representantas dallas uniuns da dunnas e dil Cussegl pastoral*

### **Uniun samaritana Sumvitg-Trun**

Nies proxim exercezi samaritan ha liug **gliendisdis, ils 13 da november 2023** a Trun en nossa stanza d'exercezi (center communal). Nies tema ei: accidents en casa. Nus beneventein bugen era interessents ch'ei buca commembers dall'uniun.

### **Biblioteca Trun**

**Venderdis, ils 10 da november 2023 allas 19.00 «Historias dalla veta – conservar la historia dalla veta ed anflar la pasch».** Marlis Flepp discuora sur da sia lavur e explichescha tgei scazi ch'ei sa esser da conservar la historia dalla veta. Nus mussein sequenzas da film ed audio ord la veta da Nicolaus Pfister-Maissen da Schlans. Presents ein Claudia e Reto, ils affons da Nicolaus che raquentan tgei muntada ch'ei ha per els dad haver conservau la historia dalla veta dil bab.

Cordialmein envida il team dalla biblioteca